



## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Ne episcopus de rebus vidutatae Ecclesiae quicquam alienare praesumat.  
CCXV.

**urn:nbn:de:hbz:466:1-10722**

careat illo honore: & prout beatus papa Gregorius ad Ioannem Panornium episcopum, & Marinianū scribit Raennatem episcopum, quia graue iugum atque vinculum ceruicis non pro ecclesiastica, sed pro quadam seculari dignitate defendit, permiffa, qua abutitur, dignitate careat: quoniam iure priuilegium meretur amittere, qui audacter vsurpat illicita.

*Quod episcopus res sua Ecclesiae, nisi cum suo prius commutet, testamento legare non possit. Cap. CCXII.*

**S**I quis episcopus condito testamento aliquid de ecclesiastici iuris proprietate legauerit, aliter non valebit, nisi tantum de iuris proprii facultatibus suppleuerit. *Ex cōcil. Agathē si, cap. 6.*

*De episcopo qui res sua Ecclesiae parentibus suis indiscretè tribuit. Cap. CCXIII.*

**V**T episcopi in rebus Ecclesiae circa propinquos suos exponendis reprehensionem caueant, & vt discretionis modum teneant. *Ex cōcil. Spalensi, cap. 10.*

*De eadem re. Cap. CCXIII.*

**Q**uoniam multi episcoporum amore propinquorum suorum de rebus sibi cōmendatis, suo aut quolibet amicorum nomine pradia & mācipia emunt, & vt in propinquorum suorum ius cedant, statuunt, & ob hoc iura ecclesiastica conuelluntur, & ministeriū sacerdotale fuscatur, imò à subditis detrahitur, & contemnitur: placuit omnibus, vt deinceps auaritiā hoc genus caueatur. Fixumq; ab hinc & perpetuò mansurū esse decreuimus, vt episcopus res sui iuris, quas aut ante episcopatū, aut certè in episcopatu hæreditaria successione acquisiuit, secundū auctoritatem canonicā quicquid vult, faciat & cui vult, cōferat. *Ex eodē, cap. 5.*

Postquam autē episcopus factus est, quascunque res de facultatibus Ecclesiae, aut suo, aut alterius nomine, qualibet conditione cōparauerit, decreuimus, vt non propinquorum suorum, sed in Ecclesiae cui præest, iura deueniant.

*Ne episcopus de rebus viduatae Ecclesiae quicquam alienare præsumat. Cap. CCXV.*

**S**I quis episcopus nulla ecclesiasticæ rationis necessitate cōpulsus, in suo clero aut vbi fortè nō est presbyter, de rebus ecclesiasticis aliquid præsumpserit vendere: res ipsas Ecclesiae restaurare cogatur, & in iudicio episcoporum deiiciatur auditus, & tanquam furti aut latrocinij

reus suo priuetur honore.

*De illis qui ad sacerdotum exequias venire  
contemnunt. Cap. CCXVI.*

*Ex cōcil.  
Toleta-  
no. 8. ca.  
3<sup>o</sup>*

**E**A quæ competunt honestati, contingit sæpe quorundam desidia non impleri. Proinde, quia notū est, quæ dignitas in exequiis morientis episcopi ex canonibus cōseruetur, traditione moris antiqui hoc tantū adiicimus, vt si quis sacerdotum secundum statuta Valentini concilii ad humanda defuncti episcopi membra venire cōmonitus, pigra voluntate distulerit, appellatibus clericis obuentis episcopi apud synodum, siue apud metropolitanū episcopum tempore anni vnus, nec faciendi Missam, nec communicandi habeat omnino licentiam. Presbyteri autem siue cæteri clerici, quibus maior honoris locus apud eandē Ecclesiam fuerit, cuius sacerdos obierit, si omni sollicitudine pro exequiis iam mortui, aut continuò antistitis morituri, ad commonendum vicinum episcopum tardè inueniantur, aut per quamcūque molestiam animi id negligere comprobētur, totius anni spatio ad pœnitentiam in monasteriis deputentur.

*Vt quicquid episcopo relinquitur, id emissum in facultates  
Ecclesiæ computetur. Cap. CCXVII.*

*Ex cōcil.  
Agathēsi*

**P**ontifices verò, quibus in summo sacerdotio cōstituti ab extraneis, duntaxat donatur aliquid, vel cum Ecclesia aut sequestratim dimittitur aut donatur: quia hæc illi qui donat pro redemptione animæ suæ, non pro commodo sacerdotis probatur offerre, non quasi suum, sed quia id emissum in facultates Ecclesiæ cōputetur: quia iustum est, vt sicut sacerdos habet quod Ecclesiæ dimissum est, ita & Ecclesia habeat, quod relinquitur à sacerdote.

*Vt nullus Episcopus, nisi cum consilio cæterorum episcoporum & principis in hostem ire debeat.  
Cap. CCXVIII.*

*Cap. Caroli imperatoris de Episcopis Aquigrani colaudatū*

**C**Arolus gratia Dei rex, regniq̄ue Francorum rector & deuotus sanctæ Ecclesiæ defensor, atque adiutor in omnibus apostolicæ sedis. Hortatu omnium fidelium nostrorum, & maximè episcoporum, ac reliquorum sacerdotum consultu, seruis Dei per omnia omnibus armaturarum portare vel pugnare, aut in exercitum, & in hostē pergere